

天真閣集

天真閣集卷二十三

詩二十三

昭文 孫原湘 子瀟

疆圉赤奮若

送翁生

心存

就試禮部

匹馬春風去梅花夾路迎致身須及早努力在斯行道在文章
重親賢顧慮輕到時紅杏發知爾眼先明

憶梅

我爲梅花夜不眠梅花別我已經年甘爲夫壻林君復苦憶神
仙謝自然前度早畱今誓約他生難了此因緣風風雨雨開帆
去載得尋香屨一船

將赴鄧尉梅花之約舟中先寄郡城諸君子

未必人如我鍾情只此花新春憐已錯舊約想都賒落亦知香

賸遊寧惜路遐諸君餘興發一笑共仙槎

舟中寫梅一枝與諸子聯句

探梅先寫梅

孫原

一枝清且瘦拂拂疑香來

林

盃盃似春逗遙

傳高士神

吳震

獨得藐姑秀不學王元章

孫文

頗近楊无咎筆少

不可添

原

手妍恰相湊蕭疎態轉濃

寶

灑脫力自透

所惜紙幅

短

震

已覺墨意殷峴由天然

文

橫斜

合水就

即

花悟

文章

原

于法仿篆籀銅阮萬樹開

寶

玉藥千林茂肩雨挂帆行

震

挑燈

聽篷漏寫生消夜長

文

入畫比春壽宛從頭上折

原

時向鼻端

嗅蹠蹠寢縞衣

馨

徙倚想翠裏忽驚水光寒

震

尙訝

月色舊漏

洩造化機

文

寫一矧敢又

原

雨中自鄧尉至潭山下看梅

細雨斜風一櫂橫隔林飛出暗香迎此心已爲梅花死何惜拖

泥帶水行

石徑穿雲上翠微
寒香拂拂雨霏霏
當頭自有花爲障
替我熏衣不溼衣

白玉屏風夾道遮
低枝都壓帽簷斜
偶然小棘縈衣住
不覺渾身是落花

入山無處不花枝
遠近高低路不知
貪受下風香氣息
離花三尺立多時

歷遍山隈又水隈
亂穿珠樹上瑤臺
平生不作低眉態
卻爲南枝俯首來

扶筇折屐自年年
舊侶同來各杳然
只有梅花情不改
一回相見一回妍

石樓

高踞百花頭上頭此閒亦是一羅浮好攜簪屬春來住應有神
仙夜出遊天際輕雲初放鶴湖中孤嶼小眠鷗化工才力天然
大元氣淋漓淡不收

題石壁精舍

石壁踞太湖上慈山大師結茅之所前
拱列岫後擁萬梅爲吳郡諸峯最勝處

蒼蒼絕壁瞰湖邊萬頃瑠璃置眼前風雨欲來雲滿地人烟何
處水浮天松聲時作空中樂鷗影都成世外仙七十二峯看不
了一峯詩思一飄然

何年翠鑿兩崖開老佛低眉坐古苔三面青山三面水一重香
雪一重臺絕無雞犬傳聲到定有魚龍聽講來手弄白雲天欲
暝滿身花雨且徘徊

琴松風曲

古石落落風泠泠雙眉秀對長松青人閒只有箏笛耳抱琴彈

與空山聽空山無人月華冷銖衣繡滿虬松影指上清光水欲
流絃中秋意霜催緊一彈山花笑盡開再彈驚起山猿哀未須
將身飛入月明月自墮懷中來一絃一聲吟復注有聲無聲總
仙趣老崔偷從頂上聽聽罷乘雲已仙去

清琴軒觀二女士作畫彈琴

姑射冰肌瘦有神瀟湘玉骨淨無塵普花寫照花應媿還是聰
明自寫真

飛瓊飛下影娟娟豆蔻梢頭月正妍一曲春風彈未了梅花如
雪滿琴絃

攜琴訪琴圖爲李小霞題

遙指葑溪水一條紫瓊攜上木蘭橈杏花風裏春如畫尋遍紅
闌四百橋

琴心只有落霞知
執贄來參大導師
立盡玉階雙屐雨
梨雲香寢未醒時

青綾障裏韻淒清
只隔衣香不隔聲
猶勝成連滄海上
拍天驚浪一船橫

李小雲山塘寓齋船山故居也杏花一株穠豔特甚曾與船山酌酒其下今春過之花繁如故不能無詩

一枝又見雨中春
罨水濛烟別有神
豈識盛衰經易主
尙含顰笑對詩人
驚心歲月難相假
過眼繁華莫認真
重倚舊時闌幾曲
風前自惜看花身

去臘仲瞿書來約同探梅山中旣返武林遂忘前約書四十字於其盈盈一水樓壁

我赴梅花約
花前不見君
書來紅鯉腹
人杳白鷗羣
浩蕩看春

水蹉跎對夕曛樓窗憑不得香雪落紛紛

同人約於花朝置酒花下值雨不果十三日晚霽舉杯

對月悵然有作

惆悵芳時興已慵忽看纖影挂林松花當生日偏淒淚月趁新
晴作笑容樂事豫期恆見阻良緣非意或相逢清光未必來宵
準且泛寒香盡一鍾

閉門

閉門小閣卽深山嬾與時賢共往還爲有梅花未開落西窗一
月不曾關

古花朝又雨薄草放霽吳生震攜酒以踐前約詩以紀
之

瀟瀟又聽濯枝聲不分濃雲漏晚晴竹外扣扉風自啓花前載

酒月先迎事如可補終須補天似無情卻有情笑倚東闌一株雪春光容易過清明

玉蘭

素豔亭亭捧太易謝家庭院宋家牆偏開二月遭風雨高出羣花耀雪霜有女新妝同照映如人竟體襲芬芳年年看到將寒食贏得家家餅餌香

仲春日挈邵氏外孫幾元及諸孫泛舟三橋

如鷗小艇各爭飛澹蕩東風自拂衣春是文章舍古豔遊偕童子得天機拾來芳艸詩情遠開過桃花酒客稀曾記少年楊柳碧喜將老眼對芳菲

天光雲影畫清明碧淺藍輕水有情蝴蝶橫從船裏過花枝斜向艫前迎詩題好景忘重複人近衰年怕獨行一角錦峯應識

我綠衫紅袴聽啼鶯

黃韻山大令

泰

巡簷索笑圖

擲卻銅符把釣綸孤山明月耐清貧梅花值得迎君笑林下相逢有幾人

如覩瑤妃玉齒開忍寒何惜重徘徊臺門浪把千金擲未博傾城一笑來

虞山分西北兩面蔚深在北靈秀在西泛舟山塘則西

山全面皆見邵孫

變元

一見詫曰此一幅石谷畫也

七齡童子具此慧業非清氣夙根焉能作底語爲之

喜而作詩

一城界青山判若兩巨障北面藏幽崖西頭插奇嶂城西春水生時趁一船盪邵孫甫七齡天懷已昭曠見山不轉頭雙瞳碧

相向未解作詩語偏能識畫狀謂是王耕烟具此好筆仗夙心
語非學衝口論恰當問之老鈍根茫如墮雲瘴清暉地下聞應
快佳評脫明當挈更遊巖北恣搜訪指與烏目峯可是黃公望

放竹

一畝之園曠如虛谷放去白雲位置脩竹娟娟無言靜媚幽獨
微雨忽來朝烟自綠籜粉墮衣生香滿掬移情瀟湘秋水可讀

茶壺銘

圓以從宜正而不欹虛以受益斟之不竭

又

六經爲原百家如泉用以斟酌乎其間

錄近作梅花詩數章寄蔣伯生濟南

海內齊盟久寂寥蔣侯雄辯最超超酒酣席上掀髯起不諤漁

洋語子瀟

十行短札墨欹斜書與新詩足自誇君別江南了無恨聲聲只是負梅花

葉茗芳夫人樵王若水墨筆芙蓉令嗣子謙補鴛鴦

活色生香觸手新寒塘秋影兩傳神若教福慧兼脩到又是南樓一老人

吾鄉能事數扶義妙筆惟傳女畫師何似清於多逸格甌香家

法授諸兒

夫人爲海簾後人子謙實得外家法乳

紅豆莊玉杯歌

江靜蘿明經

會祁

予乙卯同年也自言高祖處士某

工俞柎之術陳確菴先生集中有傳處士曾爲河東君療疾宗伯以玉杯爲贈上鐫紅豆山莊款識屬子

孫世寶之後爲佗氏所得靜蘿蹤蹟贖還今夏值君
六十壽辰出以觴客屬予作歌紀之

芙蓉花裏開瑤席象鼻簫深徧觴客客辭酒酣力不勝別出佳
器客三升捧出當筵光照徹酒似丹砂杯似雪滿堂醉眼一時
醒得寶知從我聞室絳雲天姆臥玉牀神仙肘後懸神方刀圭
妙藥駐顏少尙書捧杯向仙笑水精不落鴛鴦杯一錢不值付
劫灰此杯珍重如山鼎仙人玉山爲爾頽何年羽化雲霄渺楚
弓楚得何其巧千金不易此一壺祖宗口澤兒孫寶斟君酒爲
君歌頌君玉顏常爾酡安能眼如魚目聽鳴珂杯中日月長復
長門前紅豆花開香

示李生

小霞作畫如作詩縱筆揮灑無沈思小霞作詩如作畫信手淋

漓浚宗派學詩學畫兩不難不愁換骨無金丹讀書萬卷路萬里脫去皮毛得神理勸爾洗去塵市心勸爾勿與俗士吟時從獨立悟詩境妙明只在空虛尋攜爾酒抱爾琴題詩作畫空山深畫盡山中山題徧山中石腕底烟雲并無蹟畫意詩情兩超絕

伏日寒甚

夏熱氣始暘土膏翻得宜如何涼雨下更是烈風吹早稻未全實秋花先已垂新寒中人骨況是疾堪危

喜邵虛中歸自蜀

二十六年重得見今時須鬢昔時音乘除物理惟尋易收攝聰明在寸心得養遊魚無淺水忘機歸鳥盡深林相看不覺碧山莫自有月明當戶臨

七夕同內人

晚霞斜駐玉顏紅一角秋山落鏡中小飲不辭蓮子盞嫩涼剛
襲藕花風心期何待盟初月笑語還防送遠空知否雙星應妬
汝藥爐經卷伴梁鴻

家居漫興

一城烟樹綠迴環雙塔峻嶒霄漢閒琴水條條通碧海畫樓處
處見青山風來香市人先醉雨過花邨犢亦閒如此林泉吾自
得天涯時有鳥飛還

謝人餉雞豆

秋來臣朔苦朝饑恰喜勻圓萬顆遺殷襄藏珠如剖蚌盤中炊
玉勝烹雌十分饜飽心仍嗜一種溫柔味可知水國天生紅豆
子就中粒粒是相思

鮑叔治歿於汴城其喪既歸詩以哭之

蕭然襤被出金臺潦倒樊樓濁酒杯一第竟難魚變化六年空
見雀歸來飄零轉累蘇秦舌憤激尤憐賈誼才頭白賢兄還健
在舊遊相對爲君哀

讀陶子師先生南崖集題後

先生名元淳康熙戊辰進士官昌化知縣縣瘡海瘠
貧民俗凋敝先生至請免荒糧絕丁請免浮糧請免
貢花黎木皆言人所不敢言事雖不行而忠信慈惠
已入民心矣會歲旱徒步禱峻靈山雨立應以禁戢
武弁驕橫幾至中傷在官五年日市韭一束而已集
皆其公私文書俗吏所奉行故事者先生以高文典
冊手自削牘淵雅可頌求之古循吏不多觀也

海堧蕩蕩一所城縣官恂恂一書生不知古治今不行欲轉凋
敝皆生成其地沙磧水泉鹵女任力作男不耕歲徵三萬六千
晦熟糧計只一萬贏自遭南蛇陳武變逃亡滿邑惟榛荆驕兵
悍帥更魚肉邨墟雞犬都無聲先生至日奮筆爭大吏一笑言
何輕蠲租空具李翱請虛額豈爲同州更一杯昌水一束韭抱
籍對民雙淚傾我讀公書爲憤懣事不可爲徒爾營浮糧一考
著千古惠未得實畱其名卽今吾鄉多橫徵追呼四出雞犬驚
豈無風聞言入告外廷飭法稱持平先生當日政肅清尙難委
曲伸民情矧茲漕弊方縱橫烏白鷺黑誰能評吁嗟烏黑鷺白
誰能評方今天下惟有 一人真聖明

題朱尊潛秀才

宮桂詠史詩

子建咏三良慷慨實感遇延年咏五君惻愴廼自賦仲宣及太

冲指諷皆有寓從無覽全史獨出已智慮朱君侑儻人揮翰擅
長句風格玉溪仿體裁少陵具上下三千年曲折腕下赴隱居
城東鄉翛然狎鷗鷺科頭看青山解帶坐綠樹胸中萬斛泉噴
作千瀑布時來一長吟自得巖壑趣誰識詩人中隱然有遷固

酬查鐵山少府

履泰

饋蟹

東野非塵吏南昌是少仙但須州有蟹不計俸無錢食指晨興
動霜螯水遞便題詩聊報惠索和二松前

調胡翁

饒君妙筆會傳神顰笑終輸鏡裏真卻有勝於明鏡處秋霜不
點畫中人

尋常行路貌紛紛辛苦徒誇翰墨勲畢竟佳人猶易得好拋心
力畫朝雲

尋隱者

中天多浮雲四顧誰可語采采芙蓉花伊人在秋渚入門清風
寒古瓦竄松鼠白石嬾幽貞紫芝聊可茹形骸本蟬蛻榮顛同
逆旅曠然此天真庶幾吾與汝松柏各有心神理自相許胸無
一物畱萬象皆吾與

邵雲巢仙山樓閣圖

眼前突兀三神山丹霞翠霧相迴環金銀宮闕悉涌現神仙不
在虛無間我欲手將珠樹攀碧城十二開瓊關目光所注神觀
越身心已覺非塵寰人生妄想遊五嶽如蠶縛繭蝸寄殼閉門
熟讀山經畢竟向禽不可學亦有雲遊訪圉偓焉得輕身跨
飛霍何如高展玉畫叉跂腳晴窗學宗慙此圖頗似文五峯層
巒矗起青芙蓉畧復參以趙伯駒樓臺縹緲仙人居憑君臥遊

恣酣適勝坐壺中看奇石舉頭滿屋烟雲生玉洞桃花開素壁
乘槎圖

碧天何處有人家萬里長風一釣槎遙指空明秋水外紅雲幾
朵是桃花

一葉紅蓮入杳冥漫漫不辨水天形明朝異事喧傳遍斗宿光
中見客星

冬月觀打禾

臘近穫初畢低塍水亂流禾枯連涇束穀嫩待潮收市有豐年
慶農無卒歲謀殘冬難種麥小熟已全休

自題畫梅

眼中於物無一可惟有梅花神似我因其似我勞我思偶然興
發便寫之清醺之箋白雪光敲冰炙硯迎朝易未曾落墨先有

畫大致自發先生狂一枝欲挺手攬僵一枝欲折枯癭妨十枝
五枝心愈忙心手不應神理到但有倔彊無尋常畫成竟無一
筆似惟其不似乃真是持示梅花笑點頭世上紛紛形似耳

著雍攝提格

錢二梅溪卜居翁家莊賦詩索和今年正月值其六十

初度用翁覃溪前輩

方綱

韻寄題卽以爲壽

一邨如畫對青山家在南湖第九灣人入晉書風澹蕩地疑眞
詰洞蕭閑尋詩繞屋苔多損處竹當門筍不刪恰比梅華溪上
近花時閒暇便追攀

晴雪千株擁墨莊盧鴻新闢讀書堂東頭屋古仙棲穩南面城
寬俗計忘客向蔡邕傳筆法人從曹喜問偏旁春紅酒熟爭爲
壽隱隱雲璈奏八琅

觀曹君詩感賦 并序

予髫齡時遇君張子和座上君方少年有聲庠序既
以事被褫復遭遣戍歸而幡然更隱今年七十矣猶
任俠自喜而子和歿已宿艸升沈苑枯如浮雲衣狗
變幻更代觀此不能無感

童時我過張味經

子和家書屋

座中才辨曹逸亭我方髫髻八九齡

隅坐塞默垂頭聽年十有五試京兆君亦翩翩京洛表秋風鏃
翮各自還我趨遼海君天山一別東西迴殊轍五百回看月圓
缺秋風相遇金閨門衣不覆軀頭戴雪示我歌詩才橫絕讀未
終篇爲淒咽天生此才旣不用更使風雷肆摧折鄒陽下獄不
見天鄭虔遠戍無人烟觀者淚落君灑然撓危而往安而旋昔
時見吏頭搶地今日漢儒身作吏刀筆千言亦自豪儒冠一誤

何妨棄屐君卷爲君歌一升一沈柰爾何君雖抑塞豪情在卻憶飛騰張子和

林硯莊攜姬人移居越文而生子盆蘭並帶同心者雙花人以爲瑞而硯莊意更有所屬以花爲佳兆屬七香作圖介遠峯乞余詩張之

名花得一已足誇君家一花成兩花同心之侶不易尋君花兩心如一心花來自何方得非二江合流之瀟湘抑爲兩山合體之羅浮岡壅以鳳凰山下土花覓化爲鳳與凰灌以鴛鴦湖中水花意效作鴛與鴦不然何以有此大體雙君移窈窕新蘭房雙棲雙宿玳瑁梁燕姁嬾蘭蘭應祥寧馨兒與花同香何用作花盜藍田雙珎玉何用作花几淋池連理木座客見此花謂如比肩與比目主人對此花意在得隴復得蜀不見韓退之左擁

絳桃右柳枝不見白香山歌稱樊素舞小蠻此花恰如英與皇
一爲蘭芳一蕙芳天意賜君願必償不取轉恐天爲殃主人聞
此言軒渠大歡暢醉客合盞杯懸圖合歡帳願人常似盎中花
願花常似圖中樣攜圖索我詩君家雙樹生我聞雙蘭兆觸我
雙閒情平生枉種雙紅豆那似雙蘭肯合并

元夕觀諸孫以燈爲騎

上元燈火畫屏開喜見諸孫跳舞來馳騁競爲先路導騰驤誰
是出羣才聊同騎竹閒牀繞預學看花上苑回笑我筋衰成老
驥年年伏櫪似驚駘

燈影紛如閃電明爭誇逐電趁身輕白駒過隙光須惜瞎馬臨
深暗莫行疊騎未妨卽與婢聯鑣難禁弟先兄全家一笑笙歌
裏畫銷堂開不夜城

黃葉聲中自著書詩意圖爲吳生

震賦

青娥著意畫秋妍老樹臨風豔欲仙何必桃花方易世此中山
色可忘年

臥聽落葉小窗深詩癡還從雀背尋那肯一秋閒賦手赤霞堆
裏鍊仙心

高臥空山不識春翻從荒率悟天真莫將此處秋消息說與城
中肉食人

竹林晏坐

看花可忘憂看竹自忘俗人倚脩篁閒須睂映古綠陰陰石凝
翠漣漣泉鳴玉澄觀愜孤懷渺慮遺衆欲清風尋空來微吟與
之續詩意發瀟湘一往不可束

入春將匝月梅花消息杳然

春光爲雪禁花信與春忘凍縮珠胎小寒欺玉骨僵屢探徒躑躅久待愈微茫心獨悠然喜開遲興轉長

挽席子遠編脩煜

一篇朝進文休官歸計猶邀聖度寬曲筆魏收天下諒直書崔浩古來難致身霄漢心須密過眼風雷膽尙寒可惜清才中壽死臨危猶自望長安

胡井農節九歌圖

水雲如墨膩窗光風雨聲中倒一觴滿腹離騷吟不得且研殘淚畫瀟湘

江濶雲低鴈影橫讀來滿紙盡秋聲人閒第一消覓畫不是傷心畫不成

論詩一首贈周山樵秀才傷卽題其詩卷

作詩以言志非志可勿作託物以起興非興將奚託自從志節
衰詩教日浮薄况復比興亡詞意賸糟粕或喜徵僻典宛委恣
搜索或喜鬪險韻尖叉競攪搏或更安難字便便腹笥博或但
逞華言燦燦筆花落或取三唐音自謂九霄雀其實五石瓠并
無一竅鑿是皆小乘禪不識天龍躍世無正法眼誰能野狐縛
周郎倜儻才天情自開拓投我一束詩志高興磅礴挑燈爲細
吟把卷佐清酌頗得言外味迴勝皮裏膜君家襲水東詩壇旗
鼓各祭酒固齊盟諸王亦霸畧東江與東堂雄才競揮霍君今
繼蕭掄彭兆蓀聲華起如誰我獨進一解報君苦口藥君家玉
巖公立朝務謇諤雖爲羈繫臣猶復諫艸削如眞紹風雅必先
本忠恪根柢旣蟠深枝葉始沃若勿受古範圍毋爲俗羈絡借
君獨彈絃振我警衆鐸力挽頽波頽一洗惡詩惡

查鐵山饋刀魚索詩爲報

朝來江上尺書傳
惠我銀鱗出網鮮
豈有霜鋒驚七箸
不須長缺對盤筵
懸魚久識官聲好
封鮓曾聞母德賢
卻爲故人清俸損
漫憑雙鯉報詩篇

趙生

元凱

吳生

震

排日邀食河豚戲作

對對春潮上釣竿
蘆芽未透早登盤
得伊儘可能躡廢有客偏
將鴆毒看滑膩勝含西子乳
貪饗如累故人肝
食單賴有門生議
諫果同筵頓頓餐

致道觀七星檜歌

斗壇七星森斗形
四星逸去存三星
三星落落布廣庭
自覺古翠漫空冥
一株西峙雄且直
涼繖當空擎有力
一株東峙欹而側
老崔盤空下垂翼
近南一株更奇特
體裂爲三巨靈
擎宛然

橫臥一蒼龍倒弄明珠秋月白其文皆左紐其皮皆半枯其陰
蕭森而翳翳其色黯黮而敷腴有時風雨起天半癭蛟欲掣金
鎖斷有時雲霞棲樹巔凌風玉樹三神仙此三仙樹不可測知
是老子三清之化身抑爲上古三皇之遺植但聞移自蕭梁朝
知彼移時已歷歲幾億閱過世間幾桑海躲過空中幾霹靂乃
得鍊此不增不減三菩提不死不生樹覓覓卽看移植四孫兒
已是慶歷年間古銅狄古人今人樹下吟人則自古樹自今不
恨古人不我遇猶見古人所見樹卻恨古人見樹早不如我見
樹愈老卽如石田咏此檜漫云西體裂多槁今觀裂者在東南
始知考據從來都絕倒不知我後更閱幾百千萬年四星亦如
三星之奇古而連蜷此三星者又復作何狀定有詩人婆娑樹
下吟我今詩篇

花朝矣梅猶未放黃韻山大令泰以詩促之屬爲之和
東風無力破芳蓼忍凍朝朝竚玉階好事固知緣易阻良辰不
道信猶乖莫虛勝賞綃親剪且對含葩眼自揩就使遲連桃杏
發調羹消息早安排

凍筍聞雷已應時獨無花看費猜疑東皇自喜封遲拆西子寧
憂嫁後期二月鶯啼猶在癡孤山雀語在相思暗香一縷枝頭
動只有詩人靜裏知

同人約探梅西磧及花開而予將有鳬溪之行匆匆不
暇唱渭城矣

屢約看花花不開花開何事轉遲徊人天湊合須奇福心地清
閒要別才明月二分先錯過春風一面亦脩來歸時縱使無花
看拌向空枝繞百回

登舟口號

人生快意尋常有，纔欲行舟便挂篷。此去詩吟牛渚月，恰來神助馬當風。柳如送遠隨隄轉，花爲傷離隔霧籠。回首山城無限好，翻嫌流水太匆匆。

新河莊阻風

潑山風猛激回波，苦聽艚公怨孟婆。一曲清溪行不得，從來險阻未須多。船頭吹面柳風寒，衣溼梨花雨不乾。任爾敬亭山色好，可堪連日坐相看。

記驪

越是心知笑與顰，千回思憶總難真。昨宵寢裏相尋去，只見尋常故舊人。

過溧陽城數里有小山石色黝黯狀類靈璧其上多植
桃梅時桃正華殘梅未墮烟雲竹樹閒如繡如畫紀
之以詩

舟行心計閒索句意轉拙天遣小山來似爲詩人設培塿松柏
無桃梅燦羅列時從深紅中飄墮數點雪不成兩三峯石色更
奇絕豈采靈璧根抑孕仇池穴怡神在非意過眼惜飄瞥試呼
此中人日習了無悅

山行

好山迎面來方惜瞥眼過轉境更復奇得飽眼中餓曲折無定
端盤盤勢旋磨絕壁橫青天嚴關擋一座飛鳥不敢前忽穿白
雲破平畦翠千頃脩竹綠萬个譬如奇文章小作一頓挫珊珊
銀河波漸近聲漸大天撒百斛珠地取玉盤餽瀉入雙澗流蜿蜒

若兩龍臥人臨絕壑行有車不敢坐礙路古桃花拂衣自嫵媚
奇峯夾身傍盼右苦失左足怯意轉雄神驚目不情落日投前
林茅簷圍紫邏奇情喜初嘗燒燈補詩課

中河

由東關
至上壩

片席如帆挂東風澹蕩春桃花時礙路水鳥不猜人岸近時堪
躍山低勢可親驚心寒食近茅屋柳條新

題毓文書院

赤手開青嶂風流譚子文結樓依日月棄產等烟雲獨行千秋
想虛名四郡聞謗書餘一篋薄俗自紛紛

飛閣參差起憑巖結構牢精嚴開白鹿神秀挹金黿石氣侵高
座霞光落綵豪講壇清課罷拂薜畫離騷

廣廈橫經便殊鄉負笈輕恥非秦博士忝對魯諸生松火橫窗

冷茶烟列舍清四更山月吐猶放讀書聲

講席聲名重洪厓一老仙

雅存

流離歸萬里讒謗避三年舊迹尋

荒徑殘詩拾碎箋我來憑畫檻月色爲淒然

下榻月午樓樓爲先生所題

月午樓歌

稚存前輩以月午名樓謂以勸學也并爲作歌予後
十年來居此樓喜諸生之勤學知先生流風餘韻至
今未泯也踵而有作以勸後來

明月出海先上樓我樓況在青山頭開窗放出白雲去風簾盡
控雙銀鈎一丸纔過高松頂屏風亂寫虬龍影攤書不用青藜
然碧空自有明珠懸黃高峯頭雪浪涌金鼉峯背滄波動山下
萬頃雲海鋪天心一絲雲氣無清光愈高讀愈苦月照書叢月
色古仙巢驚起老霍舞窗中不知月已午露珠瑟瑟風泠泠屋

角斜挂三星冰輪欲西還倒行似憐讀書聲好聽冷光一綫
射人面射月眼光亦如電明月不落讀不厭水滴蟾蜍欲穿硯
至山堂後芍藥忽開兩花一紫一白並極穠麗爲置酒

與諸生賦詩

天公怪我詩思憊特遣名花來索債嫣然一笑煥風前頓豁塵
襟破詩戒諸子聞香雜沓來邀我花前作花會花如佳士左右
分一玉盤盃一金帶是時青帝已謝權萬綠爭酣紅紫懈獨於
春後發洩雄始覺化工才力大我持一尊向花酌花逞奇光爲
君輩文章精氣不可收散作餘春濃豔太好將筆上花五色鬪
取階前姝絕代他時應兆各簪花畱與此堂作佳話諸生各起
唯而對天發奇葩意有在頻年不開今特開要與先生詩筆賽
聞言興發脫帽狂競酌巨觥餐沆瀣酒翻何惜共淋漓拇戰不

知誰勝敗花如人意亦自豪越倚斜易逞驕態酣嬉便借花茵
眠寢見飛仙下瓊佩笑我不踏春明門翺步天墀博封拜卻來
此地寂寞濱偷弄綵毫吐光怪我語花神勿狡獪汝亦沈埋此
堂背未博公卿恣歡賞幸遇吾曹閒盼睺若種豐臺早翦卻橫
被兒郎擔頭賣但須煥玉了此生何苦腰金自拘礙醒來花影
亦點頭似感先生語深慨諸君努力盡餘林明年此會知誰再

題王十二墨竹

十二幅畫幅殊疎密濃淡無一無初看直似不經意意無意
處意有餘不鐸而解節節聳不風而搖葉葉動想見淋漓一筆
書逸氣多從筆端涌文與可梅道人隨手掇拾皆天真不相模
仿自超絕著意求之轉成拙

撫孤操

爲饒生

耀南

母宋氏作也父死時南甫三月母仰事

孀姑俯育遺子今南年三十矣讀書厲名節卽母教

可知矣爲絃此詩以告當世

君不生兮妾先死良人搖手勸且止上有老姑下有子姑負

寡誰倚子呱呱棄誰恃

一朝奠哭夕奠哭俯仰一身擔事育忍

淚上堂爲姑縫裳含淚入房爲兒製襦姑心不歡兒身不安終

日眼淚不得乾

二姑

老日以衰兒長日以癡事姑喜且懼撫孤

嚴以慈身爲婦身爲兒身爲母身爲師仰事有盡日俯育無窮

期

三解

兒成立母頓劬兒則壯母則癯母勤紡績兒負米兒讀父

書母心喜兒生識母不識父教兒長跪讀何怙

四解

壁巖關

美太平崔翁也邑多險嶺深潭水漲病涉翁爲建橋

闢徑民便之事聞 賜額樂善好施建坊壁巖關孫

寬來乞言爲絃詩三章俾其邑人歌之

洗腳嶺高於天一兩百丈天神懸漂去權豹飛鳧然黃金運石
五丁鑿宛轉長虹半空落行人高歌渡河樂洗腳嶺下不洗腳
嶺巖巖河涇涇失足一墮鴻毛沈疇爲兌之崔德庵宵行不怕
湖深潭潭水不如翁德深飛梁赤字三成標所建橋三日成行
人自喚崔公橋

旌善亭邊讀翁事學范莊翁之志學朱家翁之義學甯氏翁之
誼某年月日郭公記不見壁巖關外雙角桺五色朵雲
天子字

方墨林秀才

維翰

讀書鍾山歲暮將歸其友端木焯爲

作風雪歸舟圖此癸酉年事也今墨林又將赴白門

以册乞題而予俟諸生行後亦作歸計故有第三首
衰柳千絲酒一杯秣陵江上片帆開此行不是風兼雪那得扁
舟入畫來

潮打船頭不可聽歸心和鴈下空冥將侯山色多情甚猶向行
人艣後青

青溪重拜小姑祠鴻爪參差認舊時我亦秋風挂帆去桃花潭
水獨吟詩

月午樓夜坐

玉盤初出海東頭松影如雲滿畫樓人近星河光在足座無風
露氣先秋四山縹緲飛難去一水空濛澹不收如此空明詩境
裏終宵忘卻下簾鉤

題秦良玉像

錦袍玉貌眞天人智勇忠義包一身上馬殺賊下馬文埽猶才
子飛將軍紅崖克又青山克一騎紅妝萬人敵血戰親提白桿
兵詔書專辦黃巾賊明珠繫鎧芙蓉鏐噴噴木蘭眞健者令肅
秋豪細柳營書磨盾鼻桃花馬玉帶何人鎮武昌盡驅流寇入
巫易銀鎗手殪東山虎鐵騎誰當八大王黃泥窪口全軍墨竹
菌坪前陣雲黑永寧健將已天亡石砭孤軍援不得慷慨椎心
誓向天敢將事賊污餘年襄城自守韓家築嶺表爭呼聖母賢
夜深忽寢先皇事銷牋綵帟平臺賜空矢捐軀銅鼓山更難盡
力觀音寺前譙國與後安國同拜夫人鷹寵錫桴鼓徒勞一戰
催犀筇已愧三朝歷夫人膽畧空羣倫孱撫偏逢邵捷春聚米
空陳圍賊計遺巾不少閉關人當時若發溪峒卒噴霧蟠龍據
崑崙八百盤高不可飛十三隘賊何由出縱然半壁缺金甌全

蜀猶能保籌筆有謀不用奈爾何婦人空受君恩多畱得奇勲
照青史專傳千秋自君始孃子一軍何足齒世上鬚眉盡女子

洋川竹枝辭

并序

洋川去旌德縣治六十里在萬山中與城市之風或
稍異矣然有可風者寓居五月就所見識之其爲旌
邑通俗與抑所獨與姑名爲洋川竹枝辭云爾

環山抱水自成邨高下相逢盡弟昆差喜月明無犬吠碧桃花

下不關門

邨中譚氏聚族而居多有恆業他
姓一兩家而已故無婢僕亦無盜

黃高山接大洪山妝閣開簾紫翠環走上金鼇峯頂望郎行吳

下幾時還

黃高金鼇大洪諸峯四面環
繞人多賈於吳歲率一歸

花花葉葉兩相當繡襦珠紉作嫁裝山裏玫瑰分得早嫩芽纔

起便離孃

其俗貴男而賤女生女彌月卽與人爲養
媳以朱提八兩爲定長亦無過十歲者

下洪溪接下洋溪白地江邨竹樹逃生小虹橋工走月不知歸

去路東西

女既與人卽抱他姓爲媳雖婚無歸寧者下洪溪江邨白地皆附近邨落相與爲婚如虹橋在邨口

明燈如月挂車檐佻達爭先揭畫簾新試遠山睂樣好儘人平

視總無嫌

養媳至十五大時使暫歸母家以吉日迎娶謂之擡親與在途許人揭簾圍而觀之

調羹手自擊鮮鱗偷眼還防嫂易瞋教與梳頭兼裹足生來情

比阿孃親

媳呼姑曰嫂姑之遇媳多歲蓋自幼習慣然也

布裳楚楚自當家擔取山泉石徑斜一種少君風範在弓鞬貼

地印蓮花

男婦皆服布上下同操作以不裹足者知爲婢也

南鄰北鄰爭送神東家西家結束新玉顏照耀珠幡裏隔水人

偏看得真

間一二年邨中兒同時種痘落痂後剪綵爲與雜旗以送神曰送孃孃與必擇美麗者昇之以此相賽

一聲爆竹震林隈錦繡珠旗夾道開幾隊紅妝濃笑出無人知

是上墳來

二三月墓祭者以彩亭供祭品銜牌旗繖前導肩輿動數十乘爆竹之聲震于山谷

山花五色門新晴偏向幽厓絕壁生開煞春風人不看從來艸

木貴知名春時遍山皆花形如杜鵑五色俱備莫能舉其名者第曰山花而已

的的深紅映畫檐下階親摘玉纖纖勸郎莫向高枝采那及儂

家艸本甜覆盆子狀如楊梅而小隨地出者色紫而味甘有生於樹者味轉酢初夏時多買以相餉

隊隊笙簫羯鼓催清歌一路上春臺明朝遍地書聲好纔學前

邨跳戲來邨中賽會多扮雜劇皆十三四子弟爲之謂之跳戲有因跳戲而棄儒爲優者

十年休負此春宵隔日先將女伴邀如沸笙歌如水月繡鞦韆

印永洋橋春社以十二年一度百戲雜陳演劇多以夜婦女亦厭厭行露矣永洋橋在邨西

蘭堂舊是列仙居丹竈猶看倚翠虛燈下流蘇親結綢繆郎明

日去分魚去邨五里許曰蘭堂一名石欄溪有仙洞倚竈之屬夏出花白小魚每五月遊人多攜網往取謂之分魚

割了黃雲臘綠塍兩三星火似漁燈前溪自有江湖樂月黑何

人敢下罾邨中漁禁禁嚴惟鱸鱖不在禁例麥熟後滿塍皆燈火矣

觸熱相邀列綺筵紅男綠女坐團圓韭花香裏嘗新麥且喜今

朝過半年

六月六日家家作蠻首餉遺相邀飲醺男婦雜坐謂之過半年

百面銅鉦聒耳鳴香雲血雨太縱橫秋風保得無災晦恰喜人

來自太平

五猖廟在永洋橋之北自八月十一至十六七鳴鉦賽願爭以雞血灑地遠近雲集有自太平至者

纂纂簷花映翠嵐郎來須認白雲庵他山儘有雞心樹比我紅

鮮勝我甘

芮東產芮家山功抵人薇一枚值數十錢他處產者價廉而形味轉勝白雲菴在芮邨

斜門一角映鷺黃結子綵綵比颺長等得翠條霜後老不愁郎

去月茫茫

人家庭院多植秋葵子以代瓜犀梗以代炬

生雲閣上綵雲生月午樓前璧月明最是洋川好風景一層星

斗一書聲

毓文書院譚子文所建樓閣層起邨中入夜望之讀書燈錯落如星

碧帽元衣逞少年雙忠廟口看場圓桐輪手碾青天月博得如

皋一笑妍

七月二十一至二十四祀張睢陽碾朱輪百餘繞市而走大意取唐書傳獲賊車馬悉分將士意也

莫吸山中雪井花莫嘗灣汊綠沈瓜火雲如繖郎來遠手擣紅

薑爲煮茶

水性素寒雖伏暑必食薑西瓜惟灣汊間有然相距二百五十里無遠攜至者有亦人不敢食

鉏雪梨霜一窖灰山田高下綠秧栽泥鰕渴死龜紋坼只等天

公雨自來

土性亦殊異糞田以礦灰爲釀盛夏土焦禾色黃槁農泄泄然秋雨至則祁祁矣

作牛莫作下洋牛辛苦耘田不到秋纔是雙星將渡夜更無喘

月向西疇

六月盡則耘事已畢七月朔家家殺牛爲脯矣

涇縣山行

一山看不了又是一山迎欲雨澗先怒將雪巖有情朝昏殊氣
候腹背判陰晴穿入秋如畫翻貪路徑生

曉行

萬綠涌如海不知朝日紅人穿雲下上虹臥澗西東松氣一襟
露竹涼三面風行行出孤嶺霞綵繪當空

下灘船

船頭灘聲急如雨船身喚水纔尺許左旋右折過一灘船依盤
渦圓轉灣灣碧石粼粼白沙輭聞道前灘水尤淺水流東下我亦
東迎涼轉喜當頭風逆風用篙不用力來船上水如上壁

灣汊七夕

是日
立秋

秋桐陰瘦日初斜碧玉灣頭小繫槎紅藕香清風一市綠蒲聲
碎路三叉行攜眷屬原多累作到神仙尙有家雲際雙星翻笑
我朝朝雙影照天涯

天眞閣集卷二十三終

天眞閣集卷二十四

詩二十四

昭文 孫原湘 子瀟

題姜白石像

白石先生像錢唐白良玉寫衣摺渲染皆非近人所
能手執羽扇神情灑然先生自題詩所云雀鷺如烟
羽扇風是也自先生遷舊上世居弁山之麓築有白
石山堂貯像其中乾隆辛卯冬堂毀於火煨燼中獨
畱此像二十三世孫恭壽遷居城中改裝成冊寫書
屬題先生至今七百年遺像猶能於鬱攸之中歸然
獨存固靈爽之所憑而後嗣保護之力有足多焉
七百年事如秋煙劫灰中有不死仙六丁下攬終得全曹衣吳
帶何翛然當時鄱陽俠少年雪花夜打烏篷船浪游南嶽不得

旋手拔龍角彈湘絃彝陵幸遇蕭東夫東來徑參范石湖聲名
一日滿天下四顧誰能薦司馬奮筆自議太常雅其奈黃鐘不
敵瓦偶耽吳興山水奇白石洞天插我籬纍纍白石不療饑腹
中惟嚙潘檉詩興酣自攜碧玉簫閒鷗引過松陵橋鷹揚之印
空佩腰照水白髮風蕭蕭馬塍花開香沁土小紅偷灑燕脂雨
鸞鴛無聲石人語一往孤雲竟千古沈檀雕匣吳綾裝明珠辟
火深深藏風吹雀氈如烟動紙上古香發南宋

燕園看桂寄伯生齊河

入門黃雪影漫漫十八仙姝十二闌鄰里盡依香國住樓臺都
作月宮看名花爛漫誰爲主佳日蹉跎是達官笑我身閒心計
拙借人園圃儘盤桓

惲南田題秋海棠云膩粉嬌紅玉作香秋深曉豔鬪新

妝幾曾一識春風面卻被花叢喚海棠用意微矣戲
申其旨

冷抱酸香徹骨青春花那得此鍾情人閒祇識嬌紅色浪向秋
風喚小名

偕錢七叔美陳小雲

裴之

徐玉臺

尙立

兩秀才遊北山

過破山寺小憩

新侶溫故遊隨感得新趣落木秋轉濃千巖態呈露心閒力忘
疲目涉神已赴領妙殊性情窮幽賴述誤古寺無俗客半被脩
竹據空潭萬象入一物不畱住榮悴非時爲歡憂任天遇戚戚
懷簪纓高岡望墟墓

題小雲澄懷堂詩稿卽送之冀東赴其師蕭子山之喪
細翦秋燈一粟紅分明雪水洗雙瞳習之議論尊師說叔黨才

華踵父風奇氣欲超天地外真詩多出性靈中成連已渺孤琴
在送爾移船大海東

屈子諫菊影墨戲

寒香零亂月黃昏澹到無言賸有痕還恐便隨烟化去急研殘
淚與招寬

墨痕花態兩朦朧活脫渾忘畫手工只當一枝秋影瘦被燈移
上素屏風

兜率天宮事有無流傳遺墨淚饒餽天生一管淒涼筆自寫秋
風絕命圖

瞿畹香夫人生輓詩

神情朗徹王夫人何時小謫來紅塵彈琴賦詩不稱意揮手欲
訪蓬山春蓬山本在虛無處碧空漫擬驂鸞馭競挽畱仙拂拂

裙仙乎且勿乘雲去夫人笑指紅霞天桃花待我瑤池邊堂名
含真館易遷逝將去從王魯連人生鼎鼎徒百年不見翠睂白
咽謝自然豈有雀髮雞皮仙我道夫人且畱耳去固欣然住可
喜願君且學曹大家踵成父兄未竟書願君且學宣文君絳紗
弟子紛如雲壽如麻姑長不死依然十八九歲好女子夫人聞
言應曰諾此客此詩殊不惡何必妄想生天樂

墨

第與論風雅功資著述多卻嫌濡染易其奈潔清何不惜日形
短寧知身受磨一池渾已甚洗濯待江河

聽泉圖

山中本寂歷古澗何泠泠飛雨一灑落塵襟三日醒春風芝艸
熟澹日巖花冥爲問市朝耳何時來共聽

井叔行贈王秀才

嘉祿

海內驚傳鐵夫死鐵夫不死今有子短小瘠蠡神酷似况復象
賢才若此昨來投我一束詩咄哉造物於爾私豈徒宗文與宗
武直如羲之又獻之習禮勿習儀學詩勿學皮紛紛貌古神則
離獨開生面鏤肝脾詩中須有人詩外更有事一脈心傳此十
字同時少年陳小雲踵武雲伯張一軍與君翩翩小鳳羣君生
井文在其手以井爲字如季友井居南天朱鳥首無怪文章吐
天口翩然隨雲來虞山題詩薛壁文斑斕丹井雪井與墨井爭
助彩筆爲波瀾及此清冬清絕景與君高歌出烟嶺天風吹送
二雲俱奕奕文星聚東井

贈南昌尙崔秀才

銘

卽題其三國志辨微後

放眼讀古書放膽論古事不拾古人慧獨窺古人志晉臣撰魏

史尊魏爲晉地劈分作三國隱然非一帝况削魏禪碑詳載蜀
卽位奈何朱紫陽未識良史意得君爲表微昭若刮蒙翳竹垞
發其端子居挾其義茲更倒筐篋睂目悉條繫高出劉幾評絕
勝李燾議平生論古識之子可把臂多事吳尙性徒別撰漢
書季

美人香艸圖

湘蘭遺俗韻葉葉總仙癯一卷離騷賦千秋素女圖無人共幽
怨絕世此清臚采采誰堪贈相思滿綠蕪

題趙吟香秀才

九懷

詩卷

之子親風雅能知僞體裁夜寒孤雀語春豔雜花開性好非關
學情深始是才奇音方在爨庸聽莫驚猜

題趙良甫秀才

西

行卷

鸚鵡才華白鵠箋江山奇氣入詩篇還丹何處求金母絕調空
聞操水仙十月雪花燕市酒九灘雷雨建溪船竭來紅豆莊前
路澣筆欣看賦柳泉

柳泉在河東君墓側
陳雲伯大令所題

冬日過天龍菴

艸枯石細斷樵蹤一徑寒雲撥瘦筇歲晏尙餘無事客山空原
有未彫松靜看衆鳥翻斜照閒與孤僧語晚鐘莫詫登臨腰腳
健每歸城市便幽慵

哭沈生

毅

坐春立雪尋常見好學深思未易求薄福祇堪擔一第高文誰
與定千秋浪傳劉湛能爲祟豈有鮮于敢訟幽長吉自緣心血
盡紛紛頽俗說黎邱

蔣文肅塞外花卉卷

宰相胸中涵萬物元氣淋漓化工奪塞外春風筆底收嬌紅姹
紫多奇崛當時廟幕隨勾陳丹青神化參洪鈞遽書警奏日裁
決餘事還普花傳神玉門關前艸不新白龍堆畔空黃塵我
朝仁風被中外九邊春色青無垠丹篆一揮雨露遍四十一種
香紛綸要令黃花紫蒙地艸木盡入天家春嵇含列狀任昉
記未及圖中此珍異王武憚格同時負盛名眼光祇識中原麗
固知巨手超凡庸六合羣生一氣中不是池頭閭右相但從禁
苑繪青紅

蘭皋夫人歸自白門屬題行卷

白門秋氣總堪悲稱爾詩情玉笛吹六代江山雙俊眼三吳人
物一蛾眉漫嗟身世成飄泊猶喜神仙有倡隨爲問秦淮堤上
柳長條何事鎮低垂

歲暮天寒百事催仙雲何事渡江來幾回明月家鄉見一笑梅
花老屋開橐筆漫勞鴻雁賦題詩空上鳳凰臺龍門海內今誰
是浪費金閨詠絮才

橄欖

一夕紅鹽落滿林登盤風味太森森圓微有角渾無碍青自初
生直到今帶澀畧含酸子氣回甘纔識諫臣心核中藏得青蓮
藥畱與蘭釭鬥夜深

玉局脩書圖陳雲伯屬題

使君彈琴政有餘落想天上脩琅書碧城十二渺無際紅霞一
帶童初居傾城環侍飄翠裾宋聯涓耶烟景珠銀河潯罷帝鴻
硯滴水自有冰蟾蜍丹瓊之函綠金笈此是雲籤第幾帙流珠
秘籍受三元隱地神經誇八術使君點以五色筆捧出琳房露

華溼故應墜地氣凌雲不落凡閒文士習才人自古多生天紫
微碧落官階遷西明都禁辟賈誼北天門卽除子淵芙蓉城中
曼卿主蓬萊闕下香山仙是皆慧業證身後非復舊鄉懷生前
君獨聰明憶前世自說大羅天上事青籙分標儼瞻書赤文細
校虛華字我道一言君試記前生後生總一氣本自華鬘佛市
來定應兜率天宮置不見蔡邕前劫爲張衡靈運後身康樂名
東方朔生由歲星李太白降因長庚君今爲宰稱神明澈滌萬
物契太清漫思神霄作傲吏且從孽海援蒼生世閒儘有葉縣
令天上寧無宋子京

如意蘭皋舊婢也今又一人矣而仍其名戲爲作詩

不見舊時人猶聞舊日名兩番金換得一樣玉雕成善伺人顏
色能窺主性情不須方響觸鸚鵡又傳聲

題彭詠義孝廉

蘊章

詩後卽送之北上

美人不在妝烈士不在剛
敷辭競華豔豈足爲文章
至人棲崆峒文字如粃糠
不聞好毛羽自炫古鳳皇
彭君抱真樸風雅何鏗鏘
崇蘭謝雕飾漪漪揚其香
君家尺木公文繼韓歐
易立言難枝葉訓俗陳
梯航遺編奉師說羽翼繼
後行靈機握冰鏡至道潛
璣囊拂雙玉樹華濯筆咸
池鄉日月含精英自然發清
光努力上金臺雲漢相翺
翔願持五色絲爲天補袞裳

送別蘭舉

羌笛淒淒不可聞孤帆一片瘦
於雲漫天風雪無情甚勒住梅
花放去君

贈朱秋坪明經

景周

卽題其洗硯圖

南梁山北劉

清文

無晉人後來更推蔡

甫生

與陳方

鍾

溪旣老德清

病紛紛館閣誇麒麟朱君少有臨池癖日閉蕭齋撫古迹殺盡
中山紫兔豪灑殘絕域金壺墨五十頭顱鬢騷屑染翰朝朝腕
欲折駱駝橋西片紙出人道風神似松雪吾鄉書法朔二馮神
簡翁復張仙庭東山邵味誰雌雄絕倫雖無羲獻迹古法未失
鍾胡風自從俗書逞姿態子弟家家學姚耐學派瓣香祇識奉華
亭筆陣誰知求晉代君今僻居臨水邨羅列金石娛朝昏紅柿
周圍白板屋綠天自裹鐵葉門香姜古硯浮寒碧浸入明漪漲
雲色欲知君書得力處但看一池秋水黑

殘歲雜書

未妨典卻鷓鴣裘風日紅窗氣似秋只恐春寒禁不得替他梅
萼預擔憂

黃梅枝上夕陽多茆屋深深自補蘿又是一年將盡處幾行殘

天眞閣集卷三十四
七
歷重摩抄

扣門百事集如麻
手折松枝自煮茶
笑語諸逋忙底事
且來看我畫梅花

幽棲

老屋枕寒流
荒荒斷無路
前山欲過溪
橫被雲截住
天風時一鳴
空翠自來去
相對本忘言
道心契古樹

雪後

凝雲顏不流
積雪深一丈
開門見羣山
皓潔不可仰
樹露瘦根青
谿流斷冰響
空明天地中
默坐入冥想
疑有梅花開
前邨怯孤往

屠維單閼

元日

昨恐今朝雨晨曦透滿櫺年豐人面白冬煥地皮青爆竹知晴
肥梅花戀臘馨十行
丹詔下消息萬方聽

琴川上元燈詞

老廟珠燈賽九微招真古梅天下稀看燈兼看花閒月不到三
更不肯歸

郎家住近讀書臺儂家住在小三台隊隊春燈門外過郎來只
道看燈來

郎情焰焰燈初然妾心皎皎月在天明月賽燈燈賽月卻愁燈
暗月空懸

儂自春風巷口回郎從文學橋頭來燈光月色兩相射翦水雙
眸不敢擡

製幺先製踏燈幺走街須走紫金街一條軟繡似弦直逃路不

愁郎使乖

燈市鬧蛾聲沸騰珠簾照徹花層層
儂自看燈燈下立看燈人卻不看燈

鏡聽時交鼓二更條條僻巷似冰清
不須更約鄰娃去自有素娥相伴行

十行 丹詔下楓宸萬戶歡騰頌
聖人走遍東西太平

巷大家爭樂太平春

冒雪獨行至古梅下

北風穿隙射眸酸雪後房櫳徹骨寒
爲惜玉梅遭凍折披衣先揭畫簾看

茫茫瑤海萬人家玉地冰天靜不譁
獨立空山風雪裏一詩人與一梅花

拂了瑤花坐翠苔玉蚪枝下儘徘徊滿身擔受香兼雪值得衝寒一度來

雲伯大令邀同載酒泛雪湖中小雲隨侍因誥昔年子山舊游小雲子山高弟也

使君爲政值閒時相約西湖放櫂遲雪後溪山荒率盡春初艸木性靈詩眼空四海才餘幾論到千秋酒不辭恰喜梅花寒勒住水邊猶有未開枝

記得故人攜手處泥中鴻爪雪中尋似聞向秀山陽遂難訪成連海上琴酒次抵封侯萬戶花陰須惜價千金他年更說茲游勝各保冰壺一片心

供硯圖

宋詩人王元婦黃嬈亦有才思元中夜得句黃輒起

然燭供硯以俟好事者繪圖美之陳小雲秀才與其
配汪小韞夫人琴彈瑟應較之王黃奚啻倍蓰歸佩
珊女士爲作供硯圖屬予夫婦爲之題詠

窈窕窗深月浸紗起來雙笑對梅花憐他繡被鴛鴦寢孤負詩
情十萬家

推枕重吹寶炬然一牀恰有兩詩仙端溪璧友辛勤甚也廢瑤
璃匣底眠

蘆簾雙管鬬生春衙溼香寒露似塵僥倖翠奩鸚鵡眼終宵長
對比肩人

我有譚言欲語君筆花誰似左家芬花前好捧紅絲硯泥把簪
花教右軍

金鈴風瘦玉繩低吹落吟聲小閣西驚起翠禽香寢穩梅花枝

上一雙啼

三月三日偕錢叔美陳雲伯出北郭循桃園澗至維摩

寺梅花下

討春入桃園桃花渺何處但循流水聲空翠得詩路忽聞梅花
香招提愜小住山意忘春深雪容猶戀樹登樓見靑蒼天海了
一顧手弄白雲寒冥冥又飛去

登拂水巖循級而下仰觀劒門與兩君小憩石上

西陟拂水巖玉琴鳴壑底不遇東南風焉能拂天起捫蘿下盤
磴雙厓砉然啓寒翠森高空雷雨不可洗平生愜意處習見若
新喜一襟古苔花真坐析奇理

由蕭家棧下烏目澗入三峯寺

前行忽無峯石角向東折松濤足底來萬綠如涌出所得隨趣

深轉苦下坂疾妙香生空中清磬度林密偶涉本非有卽悟安
可說閒從散花天詩情拾摩詰

取道松徑至破山寺看竹

循東極西勝自西復東轉不厭往復廻秀色常在眼松盡逢竹
林籜粉墮衣輒尋烟孤筍觸題句一竿選空濛受虛籟去雲入
遙眄徘徊煥翠圖浮嵐吾欲翦

別緒

慢擬前歡續後歡溼雲如絮墮闌干一生蹤迹迴思好萬事因
緣預定難風力漸欺銀燭殘雨聲如逼玉釵寒相思別後知無
益貪把離顏子細看

由常熟至旌德取道無錫宜興溧陽高淳宣城涇縣水
驛山郵意境百出襍詩紀行

冥冥飛絮障晴空
含笑桃花獨倚風
我欲化爲雲一朶
曾他遮斷夕陽紅

如此谿山稱我詩
名花况值爛開時
人閒何地無芳艸
不是親來卻不知

燕脂染出玉玲瓏
雲樣衣裳致不同
可惜一枝紅豔好
年年開煞亂山中

呂生

延輝

邀過東山別墅宴賞牡丹下

池館高下積翠重
繁紅壓檻春光濃
山中洗滌富貴想
雲際彷彿仙人蹤
正思燒筍療饞口
豈可對花無醉容
開門盡日看不厭
更有三十六芙蓉

卽事

流鶯啼殺綠雲彎
自向風前樂意閒
惆悵未曾禽語學
負伊消

息語縣蠻

閱遍青谿過眼花南鄰北里競繁華關心一樹梨雲影司馬橋
西第五家

偶觀放風箏

只道扶搖萬里搏依然未極五雲端莫嫌風力吹噓少到得高
空欲下難

欹側翩反手自知東風太緊莫收遲旁人只勸凌霄去那管身
輕欲墮時

月午樓坐月有懷

憑闌已覺思漫漫況觸離愁月半九料得一天同悵望可應千
里共清寒淒涼總爲當時感歡聚誰能永夜看對此不禁雙淚
落方諸何必置銅盤

小蓬萊月夜放歌

春風勸人勿早眠明月相待東山巔
醉中徑踏白雪去已覺身世俱飄然
上爲瑤瑤一片天下爲銀海秋無邊
中間突兀數峯起芙蓉出水何清妍
人天分界賴有此不然一氣青相連
樓臺遠近都在隱約際譬如金銀宮
闕出沒波回旋我思真作蓬萊仙
呼吸日月吞雲烟寂寞自過千餘年
但恐苦樂之趣不在形骸間如我此
樂猶人寰下方仰視空雲山豈知久坐
思還銖衣瑟瑟天風寒從來佳境作是
觀未到如在青雲端琪花瑤艸不可攀
仙人覩之殊等閒但須擺脫世事無拘
攔隨處有月皆瑤壇世人遙望仙境難
有月不看紅窗關卻從枕上癡列蓬萊
班

題花卉冊子

澹黃深紫夕陽開
瘳石玲瓏半薜蘿
解得秋光比春豔
艸蟲如雨自飛來

小徑煙荒露未晞
寒香冷豔總芳菲
笑他雙蝶無聊甚
各揀花叢變處飛

譚處士送罌粟一枝答之以詩

晝寢方興候名花
忽餉遺雅情同授粲
秀色欲忘饑芳藥消殘
豔穠被瘳晚枝化工才
大五色又紛披

自題畫梅

疎密本無心
濃澹各隨致
一著色相看
便失化工意
萬物隨氣化
一洩入冥漠
運此空靈機
春風吹不落

至山堂後芍藥不花寄僂生

湖南江西

舊約今年醉重看
芍藥花伊人渺秋水
悵望各天涯
風煥談經

柳爭徘徊花枝揚揚柳枝舞似與美人鬪睂嫵攜得輕紉障
蜂拾來紅豆調鸚鵡或行或立或轉旋或相迴抱或比肩春融
入骨醉如酒發作百態春情妍畫師何處得此意不寫春光寫
春氣十六人無一態同想見天魔恣游戲貧女寒窗織素絲春
來春去未曾知愁睂意度無人寫寫出還愁不入時

毓文書院八詠

黃高鋪雲

黃高黃山孫石石具雲致一白忽無山衆綠但流地微風欲吹
開焉識霖雨意

金鼈返照

殘日戀高嶺欲落未肯落餘勢相盪摩微暉散寥廓詩情滿簾
鉤澹蕩無所著

重樓月色

無心邀素月月自樓中明滅燭萬象白卷幔諸天清石牀抱珠
臥神與秋俱瑩

高閣松濤

白石嬾不語長松代之吟一簾挂秋水衆壑生夕陰天風如有
意落子鏗瑤琴

虹橋春漲

春水夾桃花花中水流曲勢挾空山雲氣吞平野綠一往如春
情長虹不可束

西林曉鐘

一杵送殘月千山猶癡中清音散林樾餘響含松風疏簾入花
氣吾已閒情空

綠海浮烟

湧起綠無罅綠頂浮孤亭讓出天澹碧化合山濃青朝烟畫不
破鳥外波冥冥

蓬萊積雪

高臺何茫茫在目惟晶晶地呈玉杵高山縮冰壺小喚醒古仙
人瑤池天欲曉

秦良玉戰袍

對罷平臺涕淚漣綃袍賜出五雲關親提白桿兵無敵暫帶黃
巾甲不還賊膽驚看光耀日君恩被體重踰山燈前細認桃花
色不是燕脂是血斑

毓文諸生置酒爲予稱壽賦詩盈帙作歌以報并以一

觴勸諸生醉

嬾不能作公與卿拙不能操奇與贏但從本頭乞生活纖悉直
與蟬魚爭洋山山頭雀一羣邀我來看黃高雲奇峯出沒日萬
變開拓眼孔宜詩文可惜祇得一雙手寫景十還遺八九諸生
道我寫作勞爲我高臺置尊酒我不如橫渠據座講易經又不
如明道風被朱光庭孔璿自藍謐自青何勞載酒從元亭諸生
衣冠肅來前先生誠不如程張賢先生誠不將道學肩笑先生
者謂今之酒顛愛先生者謂古之詩仙洋山借作敬亭雲氣娛
小謝洋川儻作桃花潭水留青蓮願盡百觴詩百篇山靈亦藉
先生傳我聞此言矍然再如以麻姑指爪搔癢背傾盡玉壺春
飽啖碧鮭菜更出床頭酒一尊轉勸後堂彭興戴某也一瓢中
某也十榼外未妨長夜歡酣嬉盡百態毋以一日長遽作三爵
退我醉不能飲見人飲越快不見臺前石榴花比人醉顏紅十

倍諸君若無花顏酡且復對花三百拜

題譚處士謝山居

幽齋臥磐石瀟灑具雲理高人嬾似之清風吹不起環以涓涓
流古翠不可洗一室天地寬萬象昕夕徙是非本無心名理尙
其滓言尋小謝詩翛然此中是

孤松歌

松故五株旣枯其二稚存寓此時作水北三松歌十
餘年來兩者又萎僅存一松亦戕賊幾死矣居人作
文昌宮圍松其中復得活

洋川橋北五古松四龍委蛻存一龍一龍亦思化身去似爲人
情且畱住龍身直起頂屈蟠分作四爪擎雲端蒼鬣翠鬣下垂
蔭六月白日陰風寒兩枝扶疏一廟蓋一枝槎枒陰屋背側掛

一枝屋微礙反掉向天尾尤大其勢盤盤嫌廟隘身在廟中根
在外過橋百步茯苓香隱隱蟄龍根一帶洪厓老仙眼福奇猶
見三龍攫拏態我今見一更思兩不得其形把詩代卻思幸而
無兩松不然一廟安可容設使兩株在外一在中亦必怒而飛
去騰秋空得兩亦不足得一何必又曰抱亭亭挹其秀專寵自
來無左右不知我後誰更來或并此松不見空徘徊又或更壽
幾百歲塞破廟門廟亦壞松旁更長衆兒孫一一龍形逞奇怪
榮枯物理安可知眼前且復吟我詩詩成寫在蒼龍皮筆勢亦
似生蛟螭驚濤謾謾半空和疑是老仙覓覓過夜深風雨撼山
稜莫被龍身挾字俱飛騰

孤亭

孤亭入暝色羣嶂合無痕鐘動鳥歸寺竹涼人閉門流螢如鬼

趣初月是詩覓幽意不能說冥冥思道根

下灘難

秋水至北風利上灘難下灘易南風蠻夏水乾上灘易下灘難
河身如槽狹僅容舠石子細滑不着篙船背磨石如膠牢往來
不知誰定例上灘船來下灘避我船退出河槽中直似牽船岸
上繫五尺船二寸水人立水中不沒趾一聲邪許廿人推半日
纔能移尺咫白日銜山力竭心煩一日不得過一灘三十二灘
灘灘難長年一醉不復理月出下灘拾石子

書楊忠烈公寄信許

手簡後

一雲而一泥一土與一宰能交楊大洪我慕許渤海一死而一
生一西復一東不忘許渤海我服楊大洪不見雲和塘百里長
誰其築者知縣楊惟處士許實贊襄浮言蠶起由兵糧齟之齟

之幾中傷莫爲護惜善類亡一絨千里生芻將廉如閔仲叔豬
肝累賢令才如馬長卿臨叩繆恭敬相知以公不以私維楊與
許真相知我聞翁媼夜深語決頓楊公嫁其女公嘗夜微行聞
日出脫私鹽包決頓楊知縣矣繫其人至蓋其家將嫁女有
晉酒一罈將以享客私鹽包比女楊知縣比酒之至清也公
之清兮比清醕渤海之靈來格取

由旌德至下坊舍車而舟至東壩又舍舟而車行七十
里復登舟不勝煩苦書此解嘲

舍我車登我舟逆風下灘如汧流舍我舟登我車酷日曬背汗
浹襦我程不及一千里水行牽裳陸脫屣南山自有安樂窩勞
勞行役將如何

苑山舟中

欹枕聽鄉音鄉音漸相近推篷看苑山苑山來隱隱野菱蕩菱

葉長家菱蕩菱花香烟波華蕩尤蒼茫四圍天水船中央青蘆
颯颯秋作聲虞山一髻船頭迎

秋旱

秋旱高田坼低鄉亦報荒人情畱豫患物價趁先昂集耳通呼
助攔潮曲作防長官冬賦急戴月祀龍王

得雨甚小且暫

望澤人何限天高只片雲萬家愁喜集十晦雨晴分荷葉響先
罷豆花霑未勻但看庭艸綠生意自欣欣

題屈子謙與婦季湘娟十二札後

湘娟以已書納屈
棺而裝屈書乞題

一城橫隔如秋河瑤緘相投若織梭神仙嘉耦鬼不許鸛鵲折
翼啼湘女妾書納君棺殉書如殉身君書伴妾奩對書如對人
一字一心肝一展一淚血紙是竹所爲竹枯淚不滅他年君書

天眞閣集卷三
三
殉我棺人書俱死妾志完兩書互展重泉看

畫梅戲題

亞簷梅葉碍呆恩濃綠陰中寫折枝恰似美人生子後對伊重
話女兒時

苦雨

不雨羣望缺旣雨衆心喜乍雨恐不長久雨苦不已早稻患不
實晚稻患不結不實蟲且出不結根且折七月盼豐年八月成
歉歲九月農告荒十月官徵稅萬事莫過中過中德亦凶二氣
毋失時失時澤亦裁叶禾枯力可施穀爛功全棄請看八月雨
滴滴窮民淚

老女歎

銅瓶綆斷玉虎寒秋河影沒銀蟾乾蘭闌露眼啼湘雨空廊瘦

尋枯葉語邯鄲才人所養卒偶非其人亦琴瑟璇機空織雙鷺
鷺十載寒燈不成匹東家吹簫凌鳳臺西家射雀金屏開畫眉
深淺不在勻人時小婢皆夫人朝看珊鏡自悲詫一樹嫣紅春
欲謝阿耶挂籍京朝官苦累嬌兒老不嫁

彌勒同龕圖

賢劫生中現色身珠龕香火悟前因生來宜喜春風面一笑花
開鐵樹春

題畫

一醉東籬萬事休菊花狼籍滿牀頭起來蘸取杯中漉寫出江
南著色秋

題唐八繡遺照

八繡諱繡廷與王八千大椿耆暱里中稱二八同爲

諸生同以詩名八繡游京師渡河舟覆幾死從人至
吉林過塔子溝遇水艸交結處不習騎幾陷得出八
千嘗寓書規其浪遊而八繡卒以客死然未幾八千
亦死王西沚先生仿葉正則銘陳同甫王道甫例合
作墓銘八繡爲蘇氏婿其遺照在蘇有山學博處屬
題其後

生才不用復不壽何用鳳毛被文繡嗟哉二八雙才人活既無
聊死何驟高飛不爲赴火蛾安飽不入虞人羅險難不葬巨魚
腹絕塞不喪驚馬足謂天佑之天豈憐謂天忌之天豈偏蒿榮
蕙死質本然人不得故歸之天或咎浪游不急旋客竟化去如
秋烟不游未必龜雀年又不見王八千

海棠

東風一笑破嫣然嫩白嬌紅越可憐金屋不關妝富貴玉環生就骨神仙卻防小雨催春淚願作明燈照夜眠世上若論顏色好更無花占此花先

半開猶是半含時露重烟輕力不支小立貪看殊艷色嫩寒忘折最高枝眼前錯過情何怯事後思量悔已遲只合安排巢寄穩年年爲補少陵詩

題畫

喚得輕舸似缺瓜半客人坐半客花白鷗天外瀾瀾綠數點春愁是落霞

春水如雲欲上天任流閒癡到鷗邊東風吹過谿橋去逢着桃花也住船

逃荒民

逃荒民爾何來夫荷擔妻紉孩云自淮徐遭水難魚鼈散作饑
鴻哀十隊五隊爭入城南巷北巷分頭行中戶索錢大戶米長
囊巨橐欲必盈其欲未盈勢即爭排闥直入羣縱橫就中爲首
彪而纓自言身是膠庠生汝監奴者敢拒撐汝家素有陶朱名
主人諾諾不敢忤東家不足西家顧問渠那識富翁家掌籍分
明里胥付朝遊市廛算梵宮內着羊裘外敗絮城中掠徧更邨
鄉白粲青蚨盈擔去道逢官府來若輩亦徬徨萬一被搜索錢
米將何藏官府掉頭了不問大戶完糧升斗吝彼饑而乞乃其
分

祭舊詩

歲晏山空人事闌寂平生交游零落殆盡扣戶者寒
風入座者涼月耳感懷知已泣然流涕折庭梅一枝

佐以卮酒爲位而祀之人系一詩亦絃神之意云

騎箕歸奉玉宸宮海內憐才失此公仰首看雲低首淚一星如

月挂寒空

太傅宋文正師

二十三房繞翠螺萬花叢擁一喬柯詩仙老去青山冷贏得秋

聲撼樹多

袁簡齋太史

一朶陔蘭四十春魯靈光殿亦飛塵白雲谿水寒如鏡只照蘆

花不照人

趙甌北觀察

東閣投簪病目昏俄傳星斗落瑤閣羊曇一掬西州淚不抵瀟

湘竹上痕

劉雲房相國師

松阿艸閣閉秋苔謾謾濤聲助古哀畱得一房寒翠在月明仙

崔儻歸來

邵松阿舍人

風卷靈旗海氣涼東南鐵網更誰張潮生潮落春申浦那敵孤

寒淚點長

李味莊觀察

軟紅如繡鼓樓街深鎖詩龕玉樹埋積水自流花自放一尊誰

薦李西涯

法時帆祭酒

手採珊瑚入網來吾鄉壇坫自公開桐花落盡中郎死多少人

閒爨後材

吳竹橋儀曹

卅年詩寢繞西堂幾夕簾櫳喜對牀吳苑風花燕市酒一聲仙

笛易斜陽

家伯淵糧儲

生戴頭顱入玉關更生齋裏慶生還閒雲未了爲霖意忍棄塵

寰訪海山

洪穉存編脩

幾回絲竹後堂聽螺女江寒墜使星天外數峯青不了月明何

處弔湘靈

錢雲巖學士師

畫谿官閣嶂爲屏山眼那如阮眼青一夜荔支花似雪玉笙吹

冷小蘭亭

阮昉巖大令師

橫涇花落水潺潺老屋無人寇守關一卷韓歐薪火在忍看零
落似馮山

馮仲廉孝廉

相約歸田著述同橫戈防海太匆匆一生風月千秋事都付春
明短瘵中

張子和備兵

當年詩老詠三君愧與舒王鼎足分惆悵病花殘葉裏一筇孤

影立斜曛

舒鐵雲孝廉

奇氣漫漫溢九州驚人才筆被天收紅裙包裹牀頭蒙擲向東
瀛定不流

王仲瞿孝廉

鷗癭鴻泥記夜分消寒高會共論文先零最是陳驚座墓柏蕭

蕭已拂雲

陳筠樵明經

梅骨同清訂歲寒月肥雪瘦共憑欄對花便憶當時景每到花

開不忍看

席子侃孝廉

詎迹牛醫混俗塵流珠秘笈澡心神腥風滿市魚鹽裏一箇蘭

熏雪潔人

陳石泉上舍

青衫落甕未知名白眼相遭薄俗輕縹緲飛樓人不見一枝玉
尺最分明

天真閣集卷二十四終

常熟劉光德局鐫